

## Lees en kyk: 'n Strookiesprent – Bl. 99

Lees die woorde en kyk na die prentjies:



## Taal in konteks: Eufemisme, woordorde, antonieme, leestekens en hoofletters – Bl.99

1. **Kies die regte woorde uit die moontlikhede tussen hakies:**

Moosa het die bal (op die dak/deur die venster) geslaan.

2. **Anisa sê nie direk Moosa gaan slaë kry nie. Haal die sin aan waarin sy dit op 'n sagter manier probeer sê.**

3. **Kies die korrekte woord:**

Die pa sug omdat hy (a. moedeloos; b. bly; c. opgewonde) is.

4. **Skryf die woorde tussen hakies in die regte volgorde (woordorde – enkelvoudige sinne):**

a.) Moosa het (die venster) (van die huis) (vandag) gebreek.

---

b.) Die ma staan (in die tuin) (elke middag).

---

c.) Anisa sal (in die park) (die bal) (môre) (vinnig) slaan.

---

5. **Gee die antonieme van die woorde tussen hakies:**

(Eers) is Moosa (binne) die huis.

---

6. **Vul die leestekens en hoofletters vir die volgende sinne:**

a.) moosa sê jippie ek het die bal raakgeslaan

---

b.) anisa vra het moosa al ooit 'n bal raakgeslaan

---

c.) moosa ma en anisa is in die tuin

---

## Taal Verduidelikings:

### Taal in konteks: Eufemisme

'n Eufemisme is 'n mooi of sagte manier om iets wat onaangenaam of lelik is te sê.

'n **Eufemisme** of **versagting** is 'n woord, sinsdeel of soms 'n hele sin waarmee iets mooier of vriendeliker voorgestel word as wat dit werklik is. Die felheid daarvan word dus met versagter woorde of uitdrukkinge verblom.

Eufemismes word gebruik om die negatiewe gevoel wat bedoel word te verdoesel. Woorde of woordgroepe wat as taboe gesien word, word dan vervang met iets wat meer aanvaarbaar sal wees. Met ander woorde: die gebruik van eufemismes word sterk bepaal deur die gevoelswaarde of konnotasie van ander woorde. Dit word dikwels gebruik om die volgende taboes te beskryf: die Opperwese, die duivel, sondige aktiwiteite, die dood, terminale siektes, fisiese en geestelike afwykings, seks, die skaamdele en uitskeidingsfunksies van die liggaam.

byvoorbeeld:



Iemand het **ontslaap** of **heengegaan**: iemand is **dood**.



Oor die **blommetjies** en die **bytjies** gesels: vir 'n kind (die eerste maal) van geslagsomgang vertel.



**Lang vingers**, as na steel verwys word.



**Visueel gestrem**, as blind bedoel word.



**Woefkardoes** of **brakkiesakkie**, jy gaan tog die oorskiet self eet en nie vir die hond gee nie.



shutterstock.com • 27439099



shutterstock.com



**Antonieme: (antonyms)**

'n **Antoniem** is 'n woord met min of meer die **teenoorgestelde** betekenis as 'n ander.

ANTONIEME:

'n Antoniem is 'n woord met die teenoorgestelde betekenis as 'n ander woord.



alles	niks	netjies	slordig
begin	eindig	niemand	iemand
besig	ledig	oorlog	vrede
bitter	soet	reg	verkeerd
diep	vlak	siende	blind
fluks	lui	skerp	stomp
gaar	rou	skuldig	onskuldig
gesond	siek	sterk	swak
goed	sleg	stout	soet
iets	niks	verbied	toelaat
krom	reguit	vriend	vyand
los	vas	vroeër	later

© 2011 by Depicta
ISBN: 9781431400000

# LEESTEKEN



Ek is die **punt**. Gebruik my aan die einde van elke sin.

Ek is 'n **komma**. Jy gebruik my om tussen woorde te rus.




Verstaan jy my nou? **Vraagteken** is my naam. Ek hou daarvan om vrae te vra.

Ek is die **uitroepteken**. Ek sorg dat 'n sin harder gesê word.



My naam is **kappie**. Ek maak gewoonlik die klank van die woord langer, soos **sê**.

My naam is **deelteken**. Woorde wat my kry, sal nie dieselfde bly, soos **voel** en **voël**.





# Hoofletter

## GEBRUIK MY:

- vir name en vanne.

*My naam is Jannie Jooste.*

- aan die begin van 'n sin.

*Susan is siek vandag.*

- dae van die week.

- maande van die jaar.

*Vandag is Maandag, die 11de Junie.*

- as die sin met 'n begin. *'n Piesang is geel.*



## beeldspraak

### personifikasie

Wanneer menslike eienskappe aan diere, natuurverskynsels of lewelose voorwerpe gegee word.

*Die bome dans in die wind.*



### metafoor

Stel 'n saak gelyk aan 'n ander, sonder die gebruik van soos of nes.



*Sy is 'n skat!*

### vergelyking

Dit sê dat iets soos iets anders lyk, klink of voel.

*Hy het 'n geheue soos 'n olifant.*




**Wat is die verskil tussen letterlik en figuurlik?**

<p><b>Letterlik</b> Jy het 'n <u>groen</u> plant.</p> 	<p><b>Figuurlik</b> Ouma se <u>vingers</u> is <u>groen</u>. Plante wat sy plant, groei altyd maklik.</p>
--	--

## SINSOORTE

### VRAAGSIN

- wanneer 'n vraag gevra word
- eindig met 'n ?

 Wat is jou naam?


### UITROEP

- iemand gee uiting aan 'n emosie of gevoel
- eindig met 'n !

 Dis fantasties!

### STELSIN

- 'n stelling word gemaak
- eindig met 'n .

 Ek hou van appels.

### BEVELSIN

- 'n opdrag of bevel word gegee
- eindig met 'n !

 Kom hier!



# Sinonieme

‘n **Sinoniem**, is ‘n woord wat **dieselfde**, of amper dieselfde betekenis het **as ‘n ander**.

Bly



Gelukkig

Dom



Onnosel

Praat



Gesels

Verniet



Gratis

Soen

Kus

Present



Geskenk

Mooi

Pragtig

Familie



Gesin